

清·方略館 編

清代 方略 全書

北京圖書館出版社



清·奕訢等撰

欽定剿平捻匪方略

卷二十一——三三

清同治十一年（一八七二）鉛印本

欽定勦平捻匪方略卷二十一

丙辰年

十月初一日

乙酉

安徽巡撫福濟壽春鎮總兵鄭

魁士奏言捻首任乾李大禧等竄至宿州之西
二十里堡八月二十三日該處文武挑選馬隊
馳往截擊殺斃多名追至商東集一帶經投誠
之趙克元與練首陳德芳等在橋口堵禦陣斬
捻首段玉邱等二名斃匪五六十名苗村橋股

匪亦經史榮椿等擒斬數百名奪獲牛車二十餘輛旗幟刀矛多件九月初七日擒匪大股乘虛竄至懷遠擾及黃家凹雙澗集等處塔思哈等帶兵馳回懷遠該匪馬步數千在沙溝北岸抗拒我軍連開槍礮斃賊數十名賊仍死拒不退塔思哈分兵赴下游淺處堵其竄越該逆梟水偷渡兵勇擊斃多名初八至十二等日賊疊

次由渦河兩岸分股圍撲並在河口捆紮木簞
計圖竄逸郝光甲塔思哈珠克登督同練總陳
鳳時等分隊進攻正在渡河馬賊數百沿河攔
阻我軍一齊衝殺槍斃賊匪二十餘名立將木
筏焚燬羣賊拌死援救我兵奮勇直前追逐二
十餘里斃賊八百餘名查懷宿捻匪經郝光甲
等攻擊頗挫逆鋒第兵力過單又難分布蒙城

實屬左支右絀維盼伊興額馬隊馳到方可併
力兜圍
福濟鄭魁士又奏言臣等巢南行營統計官兵
共二千四百名巢北行營統計官兵共三千名
此外皆係募勇各路防勦並籌極形單弱而秦
定三自桐來函屢言賊衆兵單臣等亦無可抽
撥晝夜焦思非厚集兵力實鮮良圖惟有請

旨迅撥山東青州滿營兵五百名兗州鎮標兵五百名

直隸兵一千名察哈爾馬隊一千名飭令星速

來巢聽候調遣至伊興額馬隊五百名奉

旨准臣福濟調皖助剿屢催罔應懷遠蒙城一帶喫緊

萬分請

旨飭下英桂迅令伊興額帶領關保明山兩起馬隊五

百名剋日赴懷助剿奏入

上命軍機大臣傳諭英桂曰福濟等奏請飭英桂迅令
伊興額帶馬隊五百名前往助剿此項馬隊官兵已
據英桂奏俟察哈爾官兵到後酌量分撥現在察哈
爾官兵當已陸續趕到著英桂卽飭伊興額將所帶
馬隊速赴懷遠一帶助剿並據福濟等奏請調察哈
爾馬隊一千名來巢聽候調遣等語著英桂於察哈
爾官兵到後酌撥五六百名傳旨令穆騰阿管帶迅

赴皖省以資攻剿
上又命軍機大臣傳諭崇恩曰福濟等奏攻剿喫緊請
飭調山東青州滿營兵五百名兗州鎮標兵五百名
前往助剿自係爲賊衆兵單不敷調撥起見著崇恩
察看情形能否於青兗二處如數撥往或酌撥精銳
數百名赴皖協剿迅卽遴員管帶飛速起程交福濟
等調遣

三日

容照奏旨大興斜里自小只時間由

案牘 初三日 丁亥 容照奏言大股擒匪自七月初間由

三河尖回竄卽在宿州西南鄉龍山曹市集一

帶負嶠分擾蒙亳懷遠等處其擾懷遠者係擒

首宋懷用陳元翠陳三亂孜等其擾亳州者係

擒首張落刑龔得蘇添幅等其擾瓦子口者係

韓狼子李越劉餓狼等其在宿州本境者係李

大禧任漸夏紅夏仲等現在懷遠則有鎮臣珠

克登郝光甲副將塔思哈等勦辦亳州則有候
補三品京堂袁甲三勦辦瓦子口則有鎮臣史
榮椿侍衛伊興額等勦辦惟宿州前因殺斃捻
首夏白其黨夥夏紅等聲稱勾結大股前來復
讐經臣奏請

飭令英桂邵燦庚長等撥兵援勦至今並未派兵前來
臣當令署知州才宇和會同署遊擊恩臨督帶

兵團在臨渙集駐紮防堵無如匪勢日衆分股繞至西北鄉一帶離城不過十餘里臣又將才宇和調回守城該匪深知城內無兵肆行搶擄連日探得五旗捻匪合股同向東北而來宿州西北團練迎敵失利濰溪口於九月十五日又復失守並有窺伺州城之勢副將塔思哈等勦辦瓦子口賊匪勢難分兵前來惟有仰懇

天恩飭撥馬步官兵數百名來宿會勦助以宿州團練
冀與懷毫等處官兵連絡聲勢勦辦可期得手

奏入

上命軍機大臣傳諭福濟鄭魁士客照曰宿州境內捻
首李大濤等股數甚多現已繞至西北鄉一帶偏近
城垣且五旗捻匪合股來犯宿州西北團練迎敵失
利濉溪口又有失守之信勢必併力窺伺州城雖經

客照將署遊擊恩臨及署知州才宇和調回守禦而
出勦無兵情形實屬危迫昨據福濟等奏郝光甲珠
克登等在懷遠疊獲勝仗匪勢漸衰此時惟有移緩
就急將該總兵北路兵勇酌量抽撥數百名飭赴宿
州交客照探匪所向實力勦擊庶足以挫兇鋒不得
株守州城祇圖自衛

初六日

庚寅

英桂奏言捻匪盤踞戴集窺伺陳州

經臣督飭在城官紳登陴防守崇安等城外駐紮俟天晴迎勦並飛飭各縣地方官集團防堵該逆知郡城有備未敢深入分股竄至太康縣之張夏村邱岡集等處經兵團擊退臣恐其裹脅蔓延當飛催袁甲三分兵由亳州西來飭令崇安督率兵勇步步進逼該匪卽於九月二十三日由安平集竄至柘城之花馬里復繞鹿邑

縣西北之魏家橋一帶竄逸袁甲三派參將張
會川等帶兵截殺行至魏莊地方與匪接仗殲
斃數百名賊匪仍竄回渦河南岸宮古寺等處
盤踞崇安等督隊跟追雨後泥淖難行追至亳
州賊已遠颺現與袁甲三會合在亳州一帶駐
紮設法進攻查該匪此次西竄未經大創難保
不去而復來郡城及周口一帶雖均有鄉團防

崇安堵然無官兵相助恐難得力臣擬酌留兵勇數

英以百名暫駐鎮撫一俟人心稍定卽行拔營前進

命軍相機督辦懷遠蒙宿等處股匪屯集江皖諸軍

甚艱一時尙難會合臣已咨照袁甲三崇安等妥爲

兩人籌畫防剿兼施一面飛咨郝光甲史榮椿等如

自守該處情形稍鬆卽督兵前進與豫軍合力攻剿

備日奏入